



天保乙未九月

公程詩課

穀堂先生

(寫)

081

公程

從駕出鄉
詩課

此行殊往日覆餗抱深憂無意誇兒女從他呼馬牛
執祛人進藥對酒菊添愁獨幸西隅客東都亦舊丘

轟關謝田城村山翁聞余東上貽鱸

厚意逢君獨厚顏猿驚雀怨出青山猶是風流吏簿
牒依然蘿薜間

冷水嶺

此山西道險每至獨貪奇

寒雲埋亂峽紅葉護荒祠叱馭心



空在他人安得知

黑崎驛土人大池某來訪賦贈

海內風流掃地空驛亭談舊暫相同山陽仙去龜翁
老文苑誰稱一世雄

自內裡航海至赤馬關宿半樓開永山二水見
訪與武宿富本多二生同賦

松下今朝喝道來鷁舟波穩北溟開公程豈計江樓
上半日清閑且共杯

半閑樓上有賦

黃葉粧晴似小春樓頭詩思晚逾新把來萬古江山

勝不屬閑人屬吏人

自赤馬關至舟木途上作

長府賢侯懇致辭枕流亭子想相知與中隨例續殘
夢剩了昨宵未了詩

周南臺道逢上田翁

老我龍鐘愧瓦全此翁相遇一如仙東奔西走就何事
輸尔從容養大年

佐野嶺

海島紛棋置嶺松映白砂清川橫地出平野接村多
獨石山陽勝豈無名所歌詩情徒湧出眷戀命行車

題宮市天滿宮

周南風物不怠心重歷管祠遺愛深堯舜君民將報
國維神在上克監臨

德山客舍佐藤井上二生見訪

呻吟燈欲死虛谷喜登音抹撥人間事話兼經世深

關戶驛

巖國提封埒列侯不朝不貢且優遊藩間苦樂似天
壤幾宿周東關戶郵

廿日市驛寄小川敬元

山亭在眼邈瀛洲猶想寄題東武秋風月良緣多不

愜旅窓延領想優遊

宿廿日市憶賴家諸先輩悵然有賦

藝封山水極清奇篤生偉人翊兩儀賴家羣英盛曠

古天下桃李映門墀我昔侍親遠負笈廣陵觀濤已

多時爾來登龍不知數杏坪老子殊參差山陽奇才

世豈有許我獨稱舊相知奈何先後遊岱去文花聲

勢忽萎疲^祗徂來宿廿日市追憶昔憶^遊泪漣漣長句

寫愁代哀誅海濤如憤雜松颺

經廣島城^{毛利氏叔達}而淺野氏

當年虎視十洲威手握兵權謀不違城塹直環滄海

壯橋梁偏訝彩虹飛鵲巢徒使鳩居固土物何論賈
販稀東道雄藩知第一誰教富教克同歸

三原客舍主人酌酒話舊出羽屋忠左衛門

話舊只添愁種來撫頭其奈雪霜催深憐掃地風流盡

強為主人傾幾盃

三原客舍永山二水見寄途上四絕余賦二

絕谷之

東道藩封帶礪同誰將治績獨稱雄君民堯舜宿心

在功業何論屈與熊

又

霽日如春海岳光東光士氣自鷹揚我君盛德替襄
在帷幄運房張子房

神邊客夜管三郎北條退輔來訪喜賦

隔歲晤言黃葉亭驂鸞仙去幾霜星欣逢聯盤双々

至無老成人有典刑

自神邊至板倉途中作

東來御史遙經路護國女與紛似雲平遠山原清淺

水從史詩興自起羣

經岡山城有思熊澤翁

坡陀山間路揭學岡山城雄都比般盛海內想風聲

維昔魚水合更張在政刑興學彞倫叙撫民憲章明
貽謀垂百世炳煥挹大名我生百歲後竊抱芹曝誠
羣儒不足顧實效由情滔々天下事廻瀾功不輕銜
結思爲報唯期三代英安得熊子輩提携事速成臨
風聊一酌遺憾滿九京

片井上客舍永山二水來話

客舍寒燈小酌時烟霞談盡更深思丹心一寸無餘
事安得變雍及四陸

有年午休奉謁書感

溫顏賜謁忽忘寒旅瑣敢言行路難誰識濟川舟楫

具中心獨作傳巖看

歷姬路城感而有賦詩中言河合大夫事

豐公存遺構截嶺聳城樓韋被四海富庶信罕儔
名家誰敢抗輝赫冠羣侯聞有老妨國挿闔運鈔籌
才略稱蓋世狙技窮有秋爲戒他岐聖謨可率由升
平嫺豪侈英杰亦橫流世無范文正誰先天下憂

覺川逆旅中谷生來訪又觀亡友賴子成所
書壁幅悵然有述

物在人亡感不窮瓦全深愧白頭翁覺川於我宿緣
在遺墨遺孤愁淚中

舞妓濱

天女霓裳舞態翩
萬松如躍海光鮮
更逢東道無双處
千古欲將佳句傳

西宮

蛭子古宮形勢雄
浪華西道自都風
諸侯厭費行程異
却向荒涼村落中

宿伏水

伏水殷富埒帝都
一百二十接街衢
豐州橋側丹波屋
潔楚如洗觀聽殊
信宿如歸忘勞倦
樓指長程辨半途
京阪吏人紛迎送
蝟冗不得閑須吏
提挈二生

哦新句劇談燈下
傾酒壺君不聞聚
樂故城今銷歇
廊市如櫛無玷闕
升平侯伯作蘆廬
安知^終為狐兔窟
豐王霸業如幻泡
談古空覺氣蓬勃

窪牧二生自京至示我以京人詩文

平安人物藪誰是
鉄中錚暗^想山陽
鬼九原拍手聲

發伏水經大津宿于草津

晨辭伏水歷桃山村
路蕭條綠竹間
泥輾牛車過劇
縣風翻槍幟入重關
太湖呈勝望如即
客舍得安行似還
忽憶詩公能賭聖
忙中今亦有清閑

鈴鹿嶺

黃昏攀絕險寒霧濕行衣深谷聞人語高峯見馬歸
關門稱古塞雞狗達皇畿討鬼有遺跡至今仰武威

桑名客舍

五瀨風光勝語言波涵城影月黃昏客窓驚破三更
夢鷓鴣鴉軋櫓聲枕上喧

航海至宮驛

桑溟波穩好浮舟輕棹轉灣逐白鷗東面遠山青一
髮熱宮俄頃入双眸

岡崎城

神君豐沛屹遺城玉帛東朝自是行駕水長虹搖激

灑凌雲高棟聳崢嶸于今狗吠曾無警終古肩摩自
有聲絳灌子孫封此地千秋鬱勃想威名

寶藏寺

以呂書來與衆同何人具眼辨英雄當年和尚真榮
寵能使龍雛起下風

渡新居海

關門扼天下形勢自巍然舍車且暫步徒鄉御載舟船浩
々今切渡水淨起寒烟昂首眺天際皎潔倒瑤蓮我欲
往從之思哉姑射仙十里唯一瞬已舞縣前公程
饒奇賞和推舷惜良緣

天龍河

大小天龍水競流川原風勁白霜稠舟中忽誦栗翁
句萬古濟川才豈儔

渡大豬川

人耶山耶股在頸直亂大川足行空川底石流如轉
穀赤裸連臂寒渦中輿載盤兮馬載蓋陸續無不日
西東竹翁有策橋不致奈此渡水民戶窮

薩埵嶺望富士

八朶芙蓉倒挿天翠巖堆雪更嬋娟薩峯南望駿溟
色難賦富山第一篇

富士川

富山呈真形奇秀冠衆嶽蓮葉垂阿儺清真絕拓濁
富川流滔々急箭破學確輕舸渡行人川原何綿邈
吾聞君子人山水資文學安齋數日糧於焉脫把捉
清氣溢肺脾形神自超卓鍊磨消鄙心可以追先覺

函關

百二真天險函關氣象新潮寒風動驛巖凍雪顛人
都近心殊活言訛俗已馴深知形勢壯霸氣耀千春

宿藤澤郵森川計司自江戶來話藩邸
事喜賦

三旬三日倦長程
邸報逢君深慰情
寒谷回春鄒律
外都從勤儉德中生

川崎公館逢須古大夫等自東都至

趨程星火抵川郵
公館披襟且暫留
祈詣如山聽不
盡東都光景眼前收

入東都

